



Ráðhús Reykjavíkur
Borgarráð

Efni: Tónlistaskólasamningar

Á fundi skóla- og frístundaráðs þann 24. júní 2020 var lögð fram svohljóðandi tillaga sviðsstjóra skóla- og frístundasviðs, dags. 19. júní 2020, um framlengingu samninga við tónlistarskóla í Reykjavík vegna neðri stiga tónlistarnáms og endurnýjun samninga vegna efri stiga tónlistarnáms ásamt yfirliti yfir kennslumagn; yfirliti yfir upphæðir samninga; umsögn endurskoðunarnefndar vegna erindis Samtaka tónlistarskólastjóra í Reykjavík um endurskoðun ársreikninga, dags. 2. október 2018; fyrirmynd að samningi við tónlistarskóla; reglum um þjónustusamninga Reykjavíkurborgar við tónlistarskóla; drögum að viðauka við þjónustusamning við tónlistarskóla vegna neðri stiga tónlistarnáms; drögum að þjónustusamningi við tónlistarskóla vegna efri stiga tónlistarnáms; samkomulagi um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018 og reglum um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda, dags. 31. ágúst 2016:

Lagt er til að samningar Reykjavíkurborgar við tónlistarskóla með þjónustusamning við Reykjavíkurborg vegna neðri stiga tónlistarnáms sem renna út þann 31. júlí 2020 verði framlengdir með viðauka til 31. júlí 2021, sjá fylgiskjal 1. Þá verði í framangreindum viðaukum kveðið á um úthlutun viðbótarstunda til þeirra tónlistarskóla sem úthlutað hefur verið viðbótarstundum í þeim tilgangi að auka jöfnuð og fjölbreytni í tónlistarnámi, sjá fylgiskjal 1. Þá er lagt til að samþykktir verði samningar Reykjavíkurborgar við tónlistarskóla í Reykjavík vegna efri stiga tónlistarnáms sem renna út 31. ágúst 2020. Gildistími verði 1. september 2020 til 31. ágúst 2021. Þar sem hlutverk Reykjavíkurborgar er að miðla framlagi Jöfnunarsjóðs er sviðsstjóra skóla- og frístundasviðs falið að ganga frá samningum við aðila þá sem tilgreindir eru í fskj. 2 á grundvelli upplýsinga frá Jöfnunarsjóði. Upphæðir eru birtar með fyrirvara um úthlutun og byggjast á upplýsingum frá Jöfnunarsjóði. Gerður er fyrirvari um að tónlistarskólarnir uppfylli skilyrði reglna Reykjavíkurborgar um þjónustusamninga við tónlistarskóla og samningsbundnar skyldur þeirra samkvæmt núgildandi samningum. Sviðsstjóra er falið að gera samninga við tilgreinda aðila á grundvelli endanlegra útreikninga á framlögum.


Tillagan var samþykkt og vísað til borgarráðs.
Tillögunni er hér með vísað til borgarráðs.

Skóla- og frístundaráðsfulltrúar Samfylkingarinnar, Viðreisnar, Pírata og Vinstri grænna lögðu fram svohljóðandi bókun:

Fyrir liggur að stýrihópur á vegum skóla- og frístundasviðs vinnur að heildstæðri

stefnumótun sem lögð verður til grundvallar samninga Reykjavíkurborgar við tónlistarskóla frá og með vori 2021, en mikilvægt er að samningar séu endurnýjaðir til eins árs meðan sú stefnumótun liggur ekki fyrir að fullu, en tilgangur hennar er að auka og jafna aðgengi barna í mismunandi borgarhlutum að tónlistarnámi, ásamt því að draga úr þeim kostnaði sem fellur á foreldra vegna tónlistarnáms.

Virðingarfyllst


Helgi Grímsson
sviðsstjóri skóla- og frístundasviðs

Hjálagt:

Tillaga sviðsstjóra, dags. 19. júní 2020

Yfirlit kennslumagns og fjárhæðir ódags. TRÚNAÐARMÁL

Umsögn endurskoðunarnefndar, dags. 2. okt. 2018

Fyrirmynd að samningi við tónlistarskóla

Drög að viðauka við neðri stiga tónlistarnáms

Drög að viðauka við efri stiga tónlistarnáms

Samkomulag um stuðning við tónlistarnám og jöfnun á aðstöðumun nemenda til tónlistarnáms.

Reglur um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda.



Reykjavíkurborg
Skóla- og frístundasvið

Reykjavík, 19. júní 2020
SFS2018090150
186. fundur

Til skóla- og frístundaráðs

Frá Helga Grímssyni, sviðsstjóra skóla- og frístundasviðs

Efni: Tillaga sviðsstjóra skóla- og frístundasviðs um framlengingu samninga við tónlistarskóla í Reykjavík vegna neðri stiga tónlistarnáms og endurnýjun samninga vegna efri stiga tónlistarnáms

Lagt er til að samningar Reykjavíkurborgar við tónlistarskóla með þjónustusamning við Reykjavíkurborg vegna neðri stiga tónlistarnáms sem renna út þann 31. júlí 2020 verði framlengdir með viðauka til 31. júlí 2021, sjá fylgiskjal 1. Þá verði í framangreindum viðaukum kveðið á um úthlutun viðbótarstunda til þeirra tónlistarskóla sem úthlutað hefur verið viðbótarstundum í þeim tilgangi að auka jöfnuð og fjölbreytni í tónlistarnámi, sjá fylgiskjal 1.

Þá er lagt til að samþykktir verði samningar Reykjavíkurborgar við tónlistarskóla í Reykjavík vegna efri stiga tónlistarnáms sem renna út 31. ágúst 2020. Gildistími verði 1. september 2020 til 31. ágúst 2021. Þar sem hlutverk Reykjavíkurborgar er að miðla framlagi Jöfnunarsjóðs er sviðsstjóra skóla- og frístundasviðs falið að ganga frá samningum við aðila þá sem tilgreindir eru í fskj. 2 á grundvelli upplýsinga frá Jöfnunarsjóði. Upphæðir eru birtar með fyrirvara um úthlutun og byggjast á upplýsingum frá Jöfnunarsjóði.

Gerður er fyrirvari um að tónlistarskólarnir uppfylli skilyrði reglna Reykjavíkurborgar um þjónustusamninga við tónlistarskóla og samningsbundnar skyldur þeirra samkvæmt núgildandi samningum.

Sviðsstjóra er falið að gera samninga við tilgreinda aðila á grundvelli endanlegra útreikninga á framlögum.

Greinargerð:

Forsaga málsins

Á 118. fundi skóla- og frístundaráðs þann 3. maí 2017 og í borgarráði þann 11. maí 2017, voru samþykkt drög að samningum við tónlistarskóla vegna neðri stiga tónlistarnáms með fyrirvara um að skólarnir uppfylli skilyrði reglna Reykjavíkurborgar um þjónustusamninga við tónlistarskóla.

Samningar sem gerðir voru á grundvelli framangreindrar samþykktar vegna neðri stiga gilda til 31. júlí 2020, sjá meðfylgjandi yfirlit yfir tónlistarskóla með þjónustusamning við Reykjavíkurborg í fskj. 1.

Á 181. fundi skóla- og frístundaráðs þann 10. mars 2020 og í borgarráði þann 26. mars 2020 var samþykkt að að koma í farveg úthlutun til tónlistarskóla með þjónustusamning við Reykjavíkurborg á þeim 1200 stundum sem heimild er fyrir á sviðinu til tónlistarnáms vegna innritunar haustið 2020. Um er að ræða viðbót sem færi inn í samninga vegna skólaársins 2020-2021.

Á 182. fundi skóla- og frístundaráðs þann 28. apríl sl. og í borgarráði þann 7. maí sl. var samþykkt að gera samning vegna vorannar 2020 við Söngskóla Sigurðar Demetz í samræmi við neðangreindar upplýsingar um tímamagn og upphæðir. Þetta var gert í ljósi áherslna á aukna fjölbreytni námstilboða á sviði tónlistar og aukið aðgengi ungmenna að slíku námi. Samningur kveður á um 168 stundir vegna tímabilsins 1. janúar 2020 til 31. maí 2020. Í viðauka við framlengdan samninga vegna skólaársins 2020-2021 verður samið um 276 stundir á samningstímanum.

Samningar vegna efri stiga tónlistarnáms með gildistíma frá 1. september 2019 til 31. ágúst 2020 voru samþykktir í borgarráði þann 26. september 2019.

Um samninga tónlistarskóla vegna neðri stiga tónlistarnáms

Fyrir liggur að stýrihópur á vegum Reykjavíkurborgar um tónlistarnám hefur til skoðunar möguleika á breyttu fyrirkomulagi hvað varðar dreifingu kennslumagns og nýtingu þess og það er í ljósi þess sem tillagan um framlengingu samningum eitt ár, til 31. júlí 2021, vegna neðri stiga tónlistarnáms er lögð fram.

Tónlistarskólar geri grein fyrir nýtingu kennslumagn vegna samningstímabilsins frá hausti 2017 til loka júlí 2020 fyrir lok október 2020. Jafnframt skili skóli fullnægjandi áætlun um kennslumagn vegna skólaársins 2020-2021 sem fellur undir framlengingu samningsins.

Um samninga tónlistarskóla vegna efri stiga tónlistarnáms

Sveitarfélögum sem ekki reka sjálf tónlistarskóla ber samkvæmt reglum Jöfnunarsjóðs, vegna kennslu á efri stigum tónlistarnáms, að gera samninga við þá aðila sem fá fjármagn vegna verkefnisins. Gerðir eru árlegir samningar sem byggja á áætlun Jöfnunarsjóðs um framlag til sveitarfélagsins.

Alls var kennt á efri stigum tónlistarnáms í 13 tónlistarskólum í Reykjavík á nýliðnu skólaári. Það er þó í mjög mismiklum mæli. Þrír tónlistarskólar kenna yfir 70% af kennslumagninu í borginni á þessum námsstigum. Dreifing fjármagns byggir á kostnaði hvers skóla vegna kenndra stunda, líkt og við gerð samninga um kennslu á neðri stigum. Í samningum hverju sinni er getið um lágmarkskennslumagn á skólaárinu.

Skilyrði framlengingar samninga vegna neðri stiga og endurnýjunar vegna efri stiga

Í reglum Reykjavíkurborgar um þjónustusamninga við tónlistarskóla og í samningum við tónlistarskólana eru sett fram ýmis skilyrði er varða nýtingu fjármagns, upplýsingagjöf og fleira.

Ein af þeim kröfum sem gerðar eru til tónlistarskólanna er að þeir skili endurskoðuðum ársreikningum. Hluti tónlistarskóla hefur ekki skilað slíkum ársreikningi og hér gert ráð fyrir að vegna framlengingar

samninga geti tónlistarskóli fullnægt skilyrðum vegna samningsgerðar með því að skila staðfestingu frá endurskoðanda á því að endurskoðaður ársreikningur sé í vinnslu vegna síðasta uppgjörstímabils.

Upplýst er um að stjórn Samtaka tónlistarskóla í Reykjavík hefur gert athugasemd við kröfu um skil á endurskoðuðum ársreikningum. Málið var tekið fyrir á fundi borgarráðs þann 11. október 2018 og var af því tilefni meðal annars lögð fram umsögn Endurskoðunarnefndar Reykjavíkurborgar, dags. 2. október 2018. Með tilliti til erindis samtakanna hefur verið óskað umsagnar Endurskoðunarnefndar Reykjavíkurborgar.

Fjárhagsleg áhrif

Reykjavíkurborg miðlar framlagi Jöfnunarsjóðs sveitarfélaga vegna náms á efri stigum tónlistarnáms og hafa samningar vegna framlagsins því ekki áhrif á fjárhagsáætlun skóla- og frístundasviðs.

Áætlaðar heildargreiðslur til tónlistarskóla vegna umsamins kennslumagns í samningum vegna neðri stiga er 991 m.kr. á samningstímabilinu 1. ágúst 2020 til 31. júlí 2021. Tekið er fram að yfirlit yfir framlög til tónlistarskóla vegna neðri stiga í fskj. 1 er birt með fyrirvara um endanlega útreikninga.

Gert er ráð fyrir framangreindu fjármagni í fjárhagsáætlun skóla- og frístundasviðs að undanskyldum kr. 22,3 mkr. Óskað verður eftir að gerður verði viðauki við fjárhagsáætlun sviðsins vegna þessa.

Leiði breytingar kjarasamninga til aukinna útgjalda er hækkun fjárframlags háð samþykktum breytingum á fjárhagsáætlun Reykjavíkurborgar.



Reykjavík, 2. október 2018

Borgarráð
Ráðhúsi Reykjavíkur


Efni: Umsögn vegna erindis Samtaka tónlistarskólustjóra í Reykjavík um endurskoðun ársreikninga

Borgarráð hefur óskað eftir umsögn endurskoðunarnefndar Reykjavíkurborgar um beiðni stjórnar Samtaka tónlistarskóla í Reykjavík um að fallið verði frá samningsbundinni kröfu í þjónustusamningi um endurskoðun ársreikninga þeirra tónlistarskóla sem fá rekstrarframlög úr borgarsjóði.

Megintilgangur með endurskoðun ársreikninga er að auka traust í viðskiptum á milli aðila sem eiga viðskipti sín á milli. Endurskoðun ársreikninga felur í sér sjálfstæða athugun á þeim og er unnin af faglega hæfum og hlutlausum sérfræðingi sem hlotið hefur löggildingu til þeirra starfa. Markmiðið með vinnunni er að láta í ljós óháð álit á réttmæti þeirra upplýsinga sem ársreikningurinn hefur að geyma. Framkvæmd endurskoðunar og áritun endurskoðandans á ársreikninga skal vera í samræmi við alþjóðlega staðla um endurskoðun.

Endurskoðunarnefnd Reykjavíkurborgar hefur það hlutverk meðal annars að ganga úr skugga um fyrirkomulag og virkni innra eftirlits og þar með að skilvirkt eftirlit sé með ráðstöfun fjármuna sem Reykjavíkurborg leggur til þeirra verkefna sem henni ber skylda til að vinna eða borgin hefur samþykkt að ráðstafa fjármunum til.

Tónlistarskólar fá umtalsverða fjármuni frá Reykjavíkurborg og er það að mati endurskoðunarnefndar eðlileg krafa að borgin fái ársreikning viðkomandi skóla sem sýnir upplýsingar um rekstur skólans og fjárhag. Ekki er hægt að ætlast til þess að Reykjavíkurborg leggi í sjálfstæða skoðun á réttmæti þeirra fjárhagsupplýsinga sem hver skóli leggur fram. Endurskoðunarnefnd Reykjavíkurborgar telur það því réttmæta kröfu að skóli sem fær fjárframlag frá borginni skili ársreikningum, sem hafa verið endurskoðaðir og áritaðir af löggiltum endurskoðanda, en til rökstuðnings þessu mati nefndarinnar er vísað til þess er greinir hér að framan um tilgang með endurskoðun.

f.h. endurskoðunarnefndar Reykjavíkurborgar

Lára S. Finnboegason formaður

Fyrirmynd að samningi við tónlistarskóla

ÞJÓNUSTUSAMNINGUR VIÐ TÓNLISTARSKÓLA VEGNA NEÐRI STIGA TÓNLISTARNÁMS

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og [Nafn skóla] [kennitala tónlistarskóla] hins vegar, hér eftir tónlistarskólinn, gera með sér svofelldan samning í samræmi við reglur um þjónustusamninga Reykjavíkurborgar við tónlistarskóla, samþykktar í borgarráði þann 9. febrúar 2017, með síðari breytingum, sem er fylgiskjal með samningi þessum og órjúfanlegur hluti hans:

1. gr.

Markmið

- 1.1. Markmið samningsaðila er að styrkja og efla tónlistarskólanám í Reykjavík.

2. gr.

Fjárframlög

- 2.1. Reykjavíkurborg tekur ákvörðun um árlegt heildarfjármagn til tónlistarskóla vegna náms á neðri stigum tónlistarnáms og er árlegt framlag Reykjavíkurborgar til tónlistarskólans [] þ.kr. á samningstímanum 1. september 2017 til 31. júlí 2020.
- 2.2. Fjárframlög Reykjavíkurborgar eru einungis vegna nemenda með lögheimili í Reykjavík og falla utan samkomulags ríkis og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda. Fjárframlög Reykjavíkurborgar eru vegna nemenda sem stunda fornám, grunnnám og miðnám á hljóðfæri og fornám og grunnnám í söng (neðri stig tónlistarnáms).
- 2.3. Um framlag Reykjavíkurborgar gilda reglur um þjónustusamninga Reykjavíkurborgar við tónlistarskóla dags. samþykktar í borgarráði þann 9. febrúar 2017, með síðari breytingum. Þess skal getið í kynningarefni skólans að skólinn njóti fjárframlaga frá Reykjavíkurborg.
- 2.4. Tónlistarskólinn nýtir árlegt fjárframlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindur er í samningi þessum. Framlag vegna umsaminna kenndra nemendastunda getur tekið breytingum í samræmi við breytingar kjarasamninga Sambands íslenskra sveitarfélaga og FÍH og FT. Leiði breytingar kjarasamninga til aukinna útgjalda er hækkun fjárframlags háð samþykktum breytingum á fjárhagsáætlun Reykjavíkurborgar.
- 2.5. Gerður er fyrirvari um að framlag á síðari tveimur samningsárunum er með fyrirvara um árlegan fjárhagsramma skóla- og frístundasviðs Reykjavíkurborgar og getur lækkað verði fjárhagsrammi sviðsins skertur.
- 2.6. Tónlistarskólinn skal innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólastjóra, að svo miklu leyti sem rekstrarkostnaðurinn er ekki borinn af styrktarmeðlimum eða annarri fjáröflun.
- 2.7. Tónlistarskólinn ber ábyrgð á að kennsla og önnur starfsemi hans sé í samræmi við þjónustusamning þennan. Skilyrði þess að tónlistarskóli fái fjárframlag Reykjavíkurborgar er að hann starfi að fullu samkvæmt reglum um þjónustusamninga Reykjavíkurborgar við tónlistarskóla.
- 2.8. Tónlistarskólanum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma. Í þessu

Fyrirmynd að samningi við tónlistarskóla

- felst meðal annars að tónlistarskólanum ber að tryggja að mat á menntun og reynslu tónlistarkennara sé í samræmi við ákvæði kjarasamninga.
- 2.9 Tónlistarskóli sem greiðir fleiri stjórnunarstundir en kjarasamningar kveða á um þarf að skila frávíkagreiðingu til Reykjavíkurborgar en óheimilt er að nota fjármagn frá Reykjavíkurborg til greiðslu slíks kostnaðar.
 - 2.10 Skilyrði fyrir nýtingu framlags vegna tölvunotkunar tónlistarkennara við kennslu er að fyrir liggi skrifleg beiðni tónlistarskóla um að tónlistarkennari leggi sjálfur til tölvu. Að öðru leyti fer um nýtingu framlags vegna tölvunotkunar tónlistarkennara samkvæmt ákvæðum kjarasamninga. Tónlistarskólinn skal skila í árlegri greinargerð samkvæmt gr. 5.5 í samningi þessum, yfirliti um notkun tölvu í eigu tónlistarkennara sem greitt er fyrir.
 - 2.11 Tónlistarskólanum er heimilt að sækja sérstaklega um aukaframlag vegna viðbótarlaunakostnaðar skóla við afleysingar vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum tiltekins kennara, sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, til samræmis við gr. 5.11 í reglum um þjónustusamninga Reykjavíkurborgar við tónlistarskóla.
 - 2.12 Heildarframlag til tónlistarskóla, árlegt framlag og aukaframlag skv. gr. 2.11., þjónustusamnings þessa verður aldrei hærra en sem nemur raunverulegum launakostnaði skólans vegna kennslu og stjórnunar vegna neðri stiga á viðkomandi ári.
 - 2.13 Framlag skv. gr. 2.1 greiðist með jöfnum mánaðarlegum greiðslum og skal greitt út síðasta virka dag hvers mánaðar (eftirá).

3. gr.

Kennsla og kennslumagn á grundvelli framlags

- 3.1 Tónlistarskólinn skal leitast við að kenna hverjum nemanda í fullu námi að jafnaði eina klukkustund á viku í aðalnámsgrein, auk hliðargreina, á starfstíma tónlistarskólans samkvæmt kjarasamningi.
- 3.2 Tónlistarskólinn ábyrgist að kennsla þeirra nemenda, sem innritaðir eru í skólann, sé í samræmi við lög og reglugerðir og önnur stjórnvaldsfyrirmæli sem áhrif kunna að hafa á rekstur tónlistarskóla. Aðalnámsskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámsskrárinnar í þeim tilgangi að auka fjölbreytni í tónlistarskólalastarfinu og mæta áhuga nemenda.
[Tónlistarskólanum er heimilt að nýta fjármagn með öðrum hætti en að framan greinir, en þó aðeins þannig að breytingin leiði til fjölgunar nemenda, enda fái hver nemandi í fullu námi a.m.k. eina klukkustund á viku í aðalnámsgrein sinni þar sem kennsla fer fram í smærri eða stærri hópum auk hliðargreina. Skólinn skal gera grein fyrir nýtingu fjármagns á grundvelli breytts fyrirkomulags kennslu og áhrifum þess í starfsáætlun og greinargerð.]
- 3.3 Tónlistarskólinn upplýsir í starfsáætlun skóla- og fristundasvið Reykjavíkurborgarum hversu margar nemendastundir hann getur kennt að lágmarki fyrir áætlað framlag Reykjavíkurborgar.
- 3.4 Tónlistarskólinn kennir að lágmarki [fjöldi stunda] nemendastundir á ári fyrir árlegt framlag á samningstímanum.
- 3.5 Framlag samkvæmt samningnum tekur til kennslu þeirra nemenda sem falla undir reglur um þjónustusamninga Reykjavíkurborgar við tónlistarskóla vegna nemenda á neðri stigum tónlistarnáms, sbr. gr. 1.1. í reglum um þjónustusamninga Reykjavíkurborgar við tónlistarskóla.

Commented [GS1]: Ákvæðið á við um þá sem sótt hafa um að nýta fjármagn með þessum hætti. Annars ekki.

Fyrirmynd að samningi við tónlistarskóla

- 3.6 Tónlistarskólanum er heimilt að ráðstafa fleiri nemendastundum en fram kemur í grein 3.4 í samningi þessum en aukin þjónusta skólans hefur ekki áhrif á fjárhæð framlags, sbr. gr. 2.1 samningsins.
- 3.7 Tónlistarskóli sem velur að kenna fleiri nemendastundir en þjónustusamningur kveður á um skal gera grein fyrir því í starfsáætlun og greinargerð og taka fram hvort og með hvaða hætti það hefur áhrif á það heildarkennslumagn sem hverjum nemanda í fullu námi býðst.
- 3.8 Nemendur skulu fá kennslu að lágmarki í samræmi við lög um fjárhagslegan stuðning við tónlistarskóla nr. 75/1985, aðalnámskrá tónlistarskóla, sbr. auglýsingu nr. 529/2000 og reglur um þjónustusamninga Reykjavíkurborgar við tónlistarskóla.
- 3.9 Sjái tónlistarskólinn sér ekki fært að uppfylla skilyrði um kennsluskyldu eða þjónustu miðað við forsendur þær er fram koma í samningi þessum skal skólinn tilkynna skóla- og frístundasviði Reykjavíkurborgar það svo fljótt sem verða má. Skóla- og frístundasvið Reykjavíkurborgar mun þá endurskoða fjárhæð framlags og lækka framlagið í samræmi við breyttar forsendur.

4. gr.

Umsókn og innritun í tónlistarskóla

- 4.1 Umsókn um nám í tónlistarskóla fer fram í miðlægu innritunarkerfi Reykjavíkurborgar. Tónlistarskólinn ber ábyrgð á að upplýsingar í innritunarkerfi Reykjavíkurborgar um nemendur sem eru í skólanum séu réttar og að þær séu í samræmi við nám þeirra í skólanum.
- 4.2 Tónlistarskólinn skal setja sér inntökureglur og birta á heimasíðu sinni. Tónlistarskólinn skal gæta jafnræðis við inntöku nemenda og skulu aðferðir skólans við mat á umsækjendum vera gagnsæjar og aðgengilegar almenningi á heimasíðu skólans. Kostnaður vegna námsins skal tilgreindur með skýrum og aðgengilegum hætti og vera umsækjendum um nám ljós áður en þeir senda inn umsókn sína.

5. gr.

Upplýsingagjöf og eftirlit skóla- og frístundasviðs

- 5.1 Tónlistarskólinn skilar starfsáætlun eigi síðar en 1. júlí ár hvert samkvæmt leiðbeiningum skóla- og frístundasviðs Reykjavíkurborgar til samræmis við gr. 12.1 í reglum um þjónustusamninga við tónlistarskóla.
- 5.2 Tónlistarskólinn afhendir að beiðni skóla- og frístundasviðs þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu skóla- og frístundasviðs hverju sinni, sbr. Tónalaun eða á öðru sambærilegu formi.
- 5.3 Skóla- og frístundasviði Reykjavíkurborgar er heimilt að krefja tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar. Með fjárhagsáætlun skal fylgja yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu Reykjavíkurborgar hverju sinni.

Fyrirmynd að samningi við tónlistarskóla

- 5.4 Tónlistarskólinn sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög nr. 3/2006 um ársreikninga og góða reikningsskilavenju auk skýrslu stjórnar fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí. [Heimilt er fram að skólaárinu 2019-2020 að hafa sama uppgjörstímabil og áður en tilkynna ber skóla- og frístundasviði um það val. Skil á ársreikningum skal vera eigi síðar en sex mánuðum eftir að fjárhagsári lýkur.]
- Reikningar skulu áritaðir af framkvæmdastjóra (skólastjóra), stjórn félagsins (skólancefnd) og endurskoðendum. Í ársreikningi skulu tekjur af skólagjöldum vegna nemenda á neðri og efri stigum tónlistarnáms sundurgreindar í skýringum þegar við á. Jafnframt skal sundurgreina launakostnað vegna kennslu og stjórnunar sérstaklega vegna neðri og efri stiga tónlistarnáms þegar við á. Sama gildir um aukaframlag vegna langtíma forfalla tónlistarkennara vegna veikinda eða slysa.
- 5.5 Tónlistarskólinn skilar greinargerð til skóla- og frístundasviðs Reykjavíkurborgar um starfsemi síðasta skólaárs samkvæmt leiðbeiningum skóla- og frístundasviðs Reykjavíkurborgar fyrir 1. júlí ár hvert. Í greinargerð komi fram upplýsingar um starfsemi skólans, s.s. fjölda nemenda, fjölda nemenda á biðlista, fjölda kenndra nemendastunda, fjölda kennara og stöðugilda, innritunarreglur og innritunarviðmið, fjölda áfangaprófa, yfirlit yfir eigin tölvunotkun tónlistarkennara, yfirlit yfir tónleika, nýjungar í skólstarfi, upplýsingar um skólagjöld við skólann á mismunandi námsstigum auk afslátta ef um slíkt er að ræða og annað það sem skólar vilja taka fram eða Reykjavíkurborg óskar eftir.
- 5.6 Tónlistarskólanum er einnig skylt að veita skóla- og frístundasviði Reykjavíkurborgar allar aðrar upplýsingar um starfsemi og fjárhag skólans og allar þær upplýsingar sem nauðsynlegar kunna að vera vegna rannsókna eða úttekta sem skóla- og frístundasvið kann að framkvæma eða láta framkvæma og varða tónlistarfræðslu í Reykjavíkurborg.

6. gr.

Vanefndir og leiðréttingar

- 6.1 Komi til vanefnda á þjónustusamningi þessum er heimilt að grípa til hefðbundinna vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.
- 6.2 Komi í ljós að skóla- og frístundasvið Reykjavíkurborgar hafi ofgreitt framlag til tónlistarskóla af einhverjum ástæðum, t.d. vegna rangra upplýsinga eða mistaka, mun skóla- og frístundasvið lækka framlag til skólans við næstu greiðslu sem því nemur eða krefjast endurgreiðslu. Tónlistarskólinn getur óskað eftir því að endurgreiðslu verði dreift á þrjá mánuði.

7. gr.

Gildistími og áskilnaður um rekstrarhæfi

- 7.1 Samningur þessi gildir fyrir tímabilið 1. september 2017 til og með 31. júlí 2020.
- 7.2 Óski annar hvor aðilinn eftir því að segja samningnum upp fyrr er gagnkvæmur uppsagnarfrestur þrjú mánuðir og miðast við mánaðamót. Tilkynning um uppsögn skal vera skrifleg og afhent með sannanlegum hætti.
- 7.3 Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er

Commented [GS2]: Á við um þá sem ekki gera upp str. grundvelli fjárhagsársins 1. ágúst til 31. júlí ár hvert.

Fyrirmynd að samningi við tónlistarskóla

eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi tónlistarskólans.

8. gr.

Þagmælska starfsfólks og meðferð stjórnsýslumála

- 8.1 Starfsfólk tónlistarskóla skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.
- 8.2 Tónlistarskólinn skal fylgja ákvæðum stjórnsýslulaga við töku ákvarðana er varða réttindi og skyldur nemenda í tónlistarskólanum.

9. gr.

Fyrirvari vegna breytinga á lögum

- 9.1. Verði gerð breyting á lögum nr. 75/1985 um fjárhagslegan stuðning við tónlistarskóla eða lögum sem koma í þeirra stað er gerður almennur fyrirvari við samning þennan, ef breytingarnar kalla á endurskoðun á einstökum ákvæðum samnings þessa.

10. gr.

Force Majeure.

- 10.1. Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

11. gr.

Fjárhagsleg ábyrgð og framsal

- 11.1. Reykjavíkurborg ber hvorki lagalega né fjárhagslega ábyrgð á rekstri tónlistarskólans.
- 11.2 Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

12. gr.

Varnarþing

- 12.1 Komi til þess að mál verði höfðað vegna ágreinings um samning þennan skal það rekið fyrir Héraðsdómi Reykjavíkur.

13. gr.

Undirritun

- 13.1. Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.

Fyrirmynd að samningi við tónlistarskóla

Reykjavík, [], 2017.

F.h. Reykjavíkurborgar vegna skóla- og frístundasviðs F.h. [Nafn skóla]
Reykjavíkurborgar.

Vottar að dags. og undirskriftum:

_____ kt _____

_____ kt _____

Viðauki

Reglur Reykjavíkurborgar um þjónustusamninga við tónlistarskóla

Viðauki við þjónustusamning við tónlistarskóla vegna neðri stiga tónlistarnáms

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og [Nafn tónlistarskóla] [kt.] hins vegar, hér eftir tónlistarskólinn, gera með sér svofelldan viðauka við þjónustusamning sömu aðila [dagsetning samnings] auk viðauka sem við hann var gerður [dagsetning samnings]:

1. gr.

Forsendur viðauka

- 1.1. Þjónustusamningur aðila, [dagsetning samnings og viðauka ef við á] og reglur um þjónustusamninga Reykjavíkurborgar við tónlistarskóla eru órjúfanlegur hluti viðauka þessa.

2. gr.

Framlenging samnings

- 2.1. Reykjavíkurborg tekur ákvörðun um árlegt heildarfjármagn til tónlistarskóla vegna náms á neðri stigum tónlistarnáms og er gildistími samnings aðila [dagsetning samnings og viðauka ef við á] framlengdur frá 1. ágúst 2020 til 31. júlí 2021. [Jafnframt er samið með viðauka þessum um greiðslu vegna viðbótarstunda [fjöldi] samtals [upphæð] sem greiddar verða í jöfnum greiðslum frá 1. ágúst. 2020 til 31. júlí 2021 (eftirá)].

3. gr.

Varnarþing, undirritun öfl.

- 3.1 Viðauki þessi telst vera hluti framangreinds samnings aðila frá [dags. samnings] og gilda sömu ákvæði um uppsögn og endurskoðun samningsins.
- 3.2 Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.
- 3.3 Viðaukasamningur þessi er gerður í tveimur(2) samhljóða eintökum og heldur hvor aðili sínu eintaki. Öllu framgreindu til staðfestu rita til þess bærir fyrirsvarsmenn/fulltrúar aðila nöfn sín hér í undir í votta viðurvist.

Reykjavík,

F.h. Reykjavíkurborgar
vegna skóla- og frístundasviðs Reykjavíkurborgar.

F.h. Nafn tónlistarskólans

Vottar að dags. og undirskriftum:

Nafn og kennitala

Nafn og kennitala

ÞJÓNUSTUSAMNINGUR VIÐ TÓNLISTARSKÓLA VEGNA EFRI STIGA TÓNLISTARNÁMS

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og [Nafn skóla, kennitala skóla] hins vegar, hér eftir tónlistarskólinn, gera með sér svofelldan samning í samræmi við reglur um þjónustusamninga Reykjavíkurborgar við tónlistarskóla, samþykktar í borgarráði þann 9. febrúar 2017, með síðari breytingum, samkomulag um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018 og reglur Jöfnunarsjóðs sveitarfélaga um framlögin, dags. 31. ágúst 2016, sem fylgja sem viðhengi við samning þennan og eru órjúfanlegur hluti hans:

1. gr.

Markmið

- 1.1. Markmið samningsaðila er að styrkja og efla tónlistarskólanám í Reykjavík.

2. gr.

Fjárframlög

- 2.1. Reykjavíkurborg miðlar framlagi Jöfnunarsjóðs sveitarfélaga vegna náms á efri stigum tónlistarnáms og er framlag Jöfnunarsjóðs til tónlistarskólans [fjárhæð]kr. á samningstímanum 1. september 2020 til 31. ágúst 2021.
- 2.2. Fjárframlög sem Reykjavíkurborg miðlar frá Jöfnunarsjóði sveitarfélaga eru vegna nemenda, óháð lögheimili þeirra, sem stunda nám í söng á miðstigi, framhaldsstigi og viðbótarnám eftir framhaldsstig og sem stunda nám í hljóðfærarleik á framhaldsstigi og viðbótarnám eftir framhaldsstig (efri stig tónlistarnáms), og greitt er vegna á grundvelli samkomulags, dags. 3. desember 2018, um stuðning við tónlistarnám og jöfnun á aðstöðumun nemenda til tónlistarnáms og reglna Jöfnunarsjóðs um framlögin, dags. 31. ágúst 2016.
- 2.3. Tónlistarskólinn nýtir árlegt framlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindur er í samningi þessum og tónlistarskólinn telur sig að lágmarki geta kennt m.v. heildarframlag.
Árlegt framlag breytist í samræmi við ákvæði 2. gr. samkomulags um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018. Reykjavíkurborg tekur við hækkuðum greiðslum frá Jöfnunarsjóði sveitarfélaga og reiknar upp framlög til tónlistarskólans.
- 2.4. Gerður er fyrirvari um að miðað er við greitt framlag Jöfnunarsjóðs sveitarfélaga til Reykjavíkurborgar og getur framlagið lækkað verði fjármagn frá Jöfnunarsjóði skert.
- 2.5. Tónlistarskólinn skal innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólastjóra, að svo miklu leyti sem rekstrarkostnaðurinn er ekki borinn af styrktarmeðlimum eða annari fjáröflun.
- 2.6. Tónlistarskólinn ber ábyrgð á að kennsla og önnur starfsemi hans sé í samræmi við þjónustusamning þennan. Skilyrði þess að tónlistarskóli fái fjárframlag Jöfnunarsjóðs sveitarfélaga frá Reykjavíkurborg er að hann starfi að fullu samkvæmt reglum um þjónustusamninga Reykjavíkurborgar við tónlistarskóla, samkomulagi um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018 og reglum Jöfnunarsjóðs um framlögin, dags. 31. ágúst 2016.

- 2.7 Tónlistarskólanum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma. Í þessu felst meðal annars að tónlistarskólanum ber að tryggja að mat á menntun og reynslu tónlistarkennara sé í samræmi við ákvæði kjarasamninga.
- 2.8 Tónlistarskóli sem greiðir fleiri stjórnunarstundir en kjarasamningar kveða á um þarf að skila frávíkgreiningu til Reykjavíkurborgar en óheimilt er að nota framlög samkvæmt þjónustusamningnum til greiðslu slíks kostnaðar.
- 2.9 Skilyrði fyrir nýtingu framlags vegna tölvunotkunar tónlistarkennara við kennslu er að fyrir liggi skrifleg beiðni tónlistarskóla um að tónlistarkennari leggi sjálfur til tölvu. Að öðru leyti fer um nýtingu framlags vegna tölvunotkunar tónlistarkennara samkvæmt ákvæðum kjarasamninga. Tónlistarskólinn skal skila í árlegri greinargerð samkvæmt gr. 5.5 í þjónustusamningi þessum, yfirliti yfir notkun tölvu í eigu tónlistarkennara sem greitt er fyrir.
- 2.10 Tónlistarskólanum er heimilt að sækja sérstaklega um aukaframlag vegna viðbótarlaunakostnaðar skólans við afleysingar vegna langtímaforfalla tónlistarkennara, sem ekki hafa náð 70 ára aldri, að loknum samfelldum eins mánaðar forföllum tiltekins kennara, sem staðfest eru með læknisvottorði, og að því gefnu að kennarinn eigi rétt á greiðslu launa í veikindum sínum, til samræmis við gr. 5.11 í reglum um þjónustusamninga Reykjavíkurborgar við tónlistarskóla.
- 2.11 Framlag skv. gr. 2.1. greiðist með jöfnum mánaðarlegum greiðslum og skal greitt út síðasta virka dag hvers mánaðar (eftirá).

3. gr.

Kennsla og kennslumagn á grundvelli framlags

- 3.1 Kennslumagn á samningstímanum er ákvarðað á grundvelli upplýsinga frá tónlistarskólanum til skóla- og frístundasviðs Reykjavíkurborgar og Jöfnunarsjóðs sveitarfélaga um kennslumagn frá fyrra ári sem var [fjöldi stunda] að teknu tilliti til útreikninga Jöfnunarsjóðs á grundvelli reglna hans.
- 3.2 Tónlistarskólinn kennir að lágmarki [fjöldi stunda] nemendastundir fyrir framlag Jöfnunarsjóðs sveitarfélaga á samningstímanum.
- 3.3 Fjármagn skal að fullu notað til greiðslu kennslu- og stjórnunarkostnaðar og að lágmarki vegna nemendastunda skv. gr. 3.2 í samningi þessum vegna náms á efri stigum tónlistarnáms.
- 3.4 Tónlistarskólinn skal fylgja reglum Jöfnunarsjóðs sveitarfélaga um kennslu og nýtingu kennslumagns og reglum um þjónustusamninga Reykjavíkurborgar við tónlistarskóla þegar reglum Jöfnunarsjóðs sleppir.
- 3.5 Tónlistarskólanum er óheimilt að mismuna nemendum eftir búsetu við inntöku nemenda vegna náms á efri stigum tónlistarnáms.
- 3.6 Framlög Jöfnunarsjóðs sveitarfélaga fyrir komandi skólaár miða við kennslumagn nýliðins skólaárs. Tónlistarskólinn skal skila upplýsingum um kennslu og nýtingu kennslumagns á yfirstandandi skólaári til skóla- og frístundasviðs Reykjavíkurborgar á viðeigandi eyðublaði fyrir 1. mars ár hvert.
- 3.7 Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna náms á miðstigi í söng hafi viðkomandi nemandi lokið að fullu námi í söng á grunnstigi. Þá má aðeins telja með kennslumagn vegna sama nemanda á miðstigi í söng í fjögur ár samanlagt.
- 3.8 Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna náms á framhaldsstigi í söng eða hljóðfæraleik hafi nemandi lokið að fullu námi á miðstigi. Þá má aðeins telja með kennslumagn

- vegna sama nemanda á framhaldsstigi í söng eða hljóðfæraleik í fimm ár samanlagt. Tónlistarskólum ber að afla upplýsinga um námsferil nemenda.
- 3.9 Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna viðbótarnáms eftir framhaldsstig í söng eða hljóðfæraleik hafi nemandi lokið námi á framhaldsstigi að fullu. Þá má aðeins telja með kennslumagn vegna sama nemanda í viðbótarnámi eftir framhaldsstig í tvö ár samanlagt.
- 3.10 Tónlistarskólinn upplýsir í starfsáætlun skóla- og frístundasvið Reykjavíkurborgar um hversu margar nemendastundir hann getur kennt að lágmarki fyrir áætlað framlag Jöfnunarsjóðs sveitarfélaga sem Reykjavíkurborg miðlar.
- 3.11 Tónlistarskólinn ábyrgist að kennda þeirra nemenda, sem innritaðir eru í skólann, sé í samræmi við lög og reglugerðir og önnur stjórnvaldsfyrirmæli sem áhrif kunna að hafa á rekstur tónlistarskóla. Aðalnámskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámskrárinnar í þeim tilgangi að auka fjölbreytni í tónlistarskólasterfinu og mæta áhuga nemenda.
- 3.12 Nemendur skulu fá kennda að lágmarki í samræmi við lög um fjárhagslegan stuðning við tónlistarskóla nr. 75/1985, aðalnámskrá tónlistarskóla, sbr. auglýsingu nr. 529/2000 og reglur um þjónustusamninga Reykjavíkurborgar við tónlistarskóla.
- 3.13 Tónlistarskólanum er heimilt að ráðstafa fleiri nemendastundum en fram kemur í grein 3.2 í samningi þessum en aukin þjónusta skólans hefur ekki áhrif á fjárhæð framlags samningsins, sbr. gr. 2.1 samningsins.
- 3.14 Sjái tónlistarskólinn sér ekki fært að uppfylla skilyrði um kennsluskyldu eða þjónustu miðað við forsendur þær er fram koma í samningi þessum skal skólinn tilkynna skóla- og frístundasviði Reykjavíkurborgar það svo fljótt sem verða má. Skóla- og frístundasvið Reykjavíkurborgar mun þá endurskoða fjárhæð framlags og lækka framlagið í samræmi við breyttar forsendur.

4. gr.

Umsókn og innritun í tónlistarskóla

- 4.1 Umsókn um nám í tónlistarskóla fer fram í miðlægu innritunarkerfi Reykjavíkurborgar. Tónlistarskólinn ber ábyrgð á að upplýsingar í innritunarkerfi Reykjavíkurborgar um nemendur sem eru í skólanum séu réttar og að þær séu í samræmi við nám þeirra í skólanum.
- 4.2 Tónlistarskólinn skal setja sér inntökureglur og birta á heimasíðu sinni. Tónlistarskólinn skal gæta jafnræðis við inntöku nemenda og skulu aðferðir skólans við mat á umsækjendum vera gagnsæjar og aðgengilegar almenningi á heimasíðu skólans. Kostnaður vegna námsins skal tilgreindur með skýrum og aðgengilegum hætti og vera umsækjendum um nám ljós áður en þeir senda inn umsókn sína.

5. gr.

Upplýsingagjöf og eftirlit skóla- og frístundasviðs

- 5.1 Tónlistarskólinn skilar starfsáætlun eigi síðar en 1. júlí ár hvert samkvæmt leiðbeiningum skóla- og frístundasviðs Reykjavíkurborgar til samræmis við gr. 12.1 í reglum um þjónustusamninga við tónlistarskóla.
- 5.2 Tónlistarskólinn afhendir að beiðni skóla- og frístundasviðs þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennda hvers og eins auk upplýsinga um áætlaðan nemendafjölda. Ef um samkennda er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af

hálfu skóla- og frístundasviðs hverju sinni, sbr. Tónalaun eða á öðru sambærilegu formi.

- 5.3 Skóla- og frístundasviði Reykjavíkurborgar er heimilt að krefja tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar. Með fjárhagsáætlun skal fylgja yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu Reykjavíkurborgar hverju sinni.
- 5.4 Tónlistarskólinn sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög nr. 3/2006 um ársreikninga og góða reikningsskilavenju auk skýrslu stjórnar fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí Reikningar skulu áritaðir af framkvæmdastjóra (skólastjóra), stjórn félagsins (skólanefnd) og endurskoðendum. Í ársreikningi skulu tekjur af skólagjöldum vegna nemenda á neðri og efri stigum tónlistarnáms sundurgreindar í skýringum þegar við á. Jafnframt skal sundurgreina launakostnað vegna kennslu og stjórnunar sérstaklega vegna neðri og efri stiga tónlistarnáms þegar við á. Sama gildir um aukaframlag vegna langtíma forfalla tónlistarkennara vegna veikinda eða slysa.
- 5.5 Tónlistarskólinn skilar greinargerð til skóla- og frístundasviðs Reykjavíkurborgar um starfsemi síðasta skólaárs fyrir 1. júlí ár hvert. Í greinargerð komi fram upplýsingar um starfsemi skólans, s.s. fjölda nemenda, fjölda nemenda á biðlista, fjölda kenndra nemendastunda, fjölda kennara og stöðugilda, innritunarreglur og innritunarviðmið, fjölda áfangaprófa, yfirlit yfir eigin tölvunotkun tónlistarkennara, yfirlit yfir tónleika, nýjungar í skólastarfi, upplýsingar um skólagjöld við skólann á mismunandi námsstigum auk afsláttar ef um slíkt er að ræða og annað það sem skólar vilja taka fram eða Reykjavíkurborg óskar eftir.
- 5.6 Tónlistarskólanum er einnig skylt að veita skóla- og frístundasviði Reykjavíkurborgar allar aðrar upplýsingar um starfsemi og fjárhag skólans og allar þær upplýsingar sem nauðsynlegar kunna að vera vegna rannsókna eða úttekta sem skóla- og frístundasvið kann að framkvæma eða láta framkvæma og varða tónlistarfræðslu í Reykjavík.

6. gr.

Vanefndir og leiðréttingar

- 6.1 Komi til vanefnda á þjónustusamningi þessum er heimilt að grípa til hefðbundinna vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.
- 6.2 Komi í ljós að skóla- og frístundasvið Reykjavíkurborgar hafi ofgreitt framlag til tónlistarskóla af einhverjum ástæðum, t.d. vegna rangra upplýsinga eða mistaka mun skóla- og frístundasvið lækka framlag til skólans við næstu greiðslu sem því nemur eða krefjast endurgreiðslu. Tónlistarskólinn getur óskað eftir því að endurgreiðslu verði dreift á þrjá mánuði.

7. gr.

Gildistími og áskilnaður um rekstrarhæfi

- 7.1. Samningur þessi gildir til fyrir tímabilið 1. september 2020 til og með 31. ágúst 2021.
- 7.2. Óski annar hvor aðilinn eftir því að segja samningnum upp fyrir er gagnkvæmur uppsagnarfrestur þrjú mánuðir og miðast við mánaðamót. Tilkynning um uppsögn skal vera skrifleg og afhent með sannanlegum hætti.
- 7.3. Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi tónlistarskólans.

8. gr.

Þagmælska starfsfólks og meðferð stjórnarsýslumála

- 8.1. Starfsfólk tónlistarskóla skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.
- 8.2. Tónlistarskólinn skal fylgja ákvæðum stjórnarsýslulaga við töku ákvarðana er varða réttindi og skyldur nemenda í tónlistarskólanum.

9. gr.

Fyrirvari vegna breytinga á lögum

- 9.1. Verði gerð breyting á lögum nr. 75/1985 um fjárhagslegan stuðning við tónlistarskóla, samkomulagi um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018 eða reglum Jöfnunarsjóðs sveitarfélaga um framlögin, dags. 31. ágúst 2016 er gerður almennur fyrirvari við samning þennan, ef breytingarnar kalla á endurskoðun á einstökum ákvæðum samnings þessa.

10. gr.

Force Majeure.

- 10.1. Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

11. gr.

Fjárhagsleg ábyrgð og framsal

- 11.1. Reykjavíkurborg ber hvorki lagalega né fjárhagslega ábyrgð á rekstri tónlistarskólans.
- 11.2. Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

13. gr.
Varnarþing

31.1 Komi til þess að mál verði höfðað vegna ágreinings um samning þennan skal það rekið fyrir Héraðsdómi Reykjavíkur.

14. gr.
Undirritun

14.1. Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.

Reykjavík XXXX 2020.

F.h. Reykjavíkurborgar
vegna skóla- og frístundasviðs Reykjavíkurborgar

F.h. XXXXXXXXX

Vottar að dags. og undirskriftum:

_____ kt _____

_____ kt _____

Viðauki I

Reglur um þjónustusamninga Reykjavíkurborgar við tónlistarskóla; samþykktar í borgarráði þann 9. febrúar 2017, með síðari breytingum.

Samkomulag um stuðning við tónlistarnám og jöfnun á aðstöðumun nemenda til tónlistarnáms, dags. 3. desember 2018 .

Reglur Jöfnunarsjóðs sveitarfélaga um framlögin, dags. 31. ágúst 2016.

Mennta- og menningarmálaráðherra, samgöngu- og sveitarstjórnarráðherra, fjármála- og efnahagsráðherra og Samband íslenskra sveitarfélaga, f.h. sveitarfélaga, (til samans nefndir aðilar) gera með sér eftirfarandi:

Samkomulag um stuðning við tónlistarnám og jöfnun á aðstöðumun nemenda til tónlistarnáms

1. gr.

Markmið

Aðilar eru sammála um að gera nemendum kleift að stunda hljóðfæranám á framhaldsstigi og söngnám á mið- og framhaldsstigi óháð búsetu.

Markmiðum þessum verður náð m.a. með því að ríkissjóður greiðir árlegt framlag í Jöfnunarsjóð sveitarfélaga til greiðslu kennslukostnaðar nemenda í framhaldsnámi í hljóðfærleik og söng ásamt miðnámi í söng, og annarra nemenda sem þurfa af gildum ástæðum að sækja tónlistarskóla utan lögheimilissveitarfélags skv. nánari skilyrðum sem sett eru í reglum sem samgöngu- og sveitarstjórnarráðherra gefur út.

2. gr.

Fjárstuðningur ríkisins við tónlistarnám á vegum sveitarfélaga

Ríkissjóður greiðir árlegt styrktarframlag í Jöfnunarsjóð sveitarfélaga sem renna skal til greiðslu kennslukostnaðar í samræmi við markmið 1. gr., að meðtöldu álagi fyrir stjórnunarkostnað, langtímaforföll, hljóðfæragjald og tengdan kostnað, að fjárhæð 545,3 m.kr. árið 2018. Styrktarframlagið er af málefnasviði 20 – Framhaldsskólastig, málaflokk 20.20 – Tónlistarfræðsla. Styrktarframlagið tekur breytingum skv. almennri verðlagsuppfærslu fjárlaga hverju sinni og er notuð tilfærslureglan 85-15, þ.e. launauppfærsla er 85% og verðlagsuppfærsla 15%. Styrktarframlag samkomulags þessa tekur fyrstu verðlagsuppfærslu 2018/2019.

Á móti styrktarframlagi ríkisins samkvæmt samkomulagi þessu skuldbinda sveitarfélög sig til að taka yfir verkefni frá ríki sem nemur 230 m.kr. á ársgrundvelli, sbr. viðauka við samkomulag þetta. Sömu reglur gilda gagnvart verðlagsuppfærslu skuldbindingar þeirrar fjárhæðar og getið er hér að ofan gagnvart styrktarframlaginu. Jafnframt munu breytingar á fjárhæðum í samkomulagi þessu sem rekja má til ákvæða 6. gr. breyta fjárhæðum í viðauka með sambærilegum hætti.

Sveitarfélög skulu tryggja að framlag skv. 1. mgr. 2. gr. renni, án tillits til búsetu, til kennslu þeirra nemenda sem innritaðir eru í viðurkennda tónlistarskóla. Sveitarfélög skulu jafnframt tryggja að nemendur sem njóta framlags greiði ekki annað en skólagjöld til viðkomandi tónlistarskóla. Sveitarfélög skulu stýra aðgengi að náminu og nýtingu kennslumagns með gerð þjónustusamninga við þá tónlistarskóla sem ekki eru reknir af sveitarfélögum.

3. gr.

Reglur

Samgöngu- og sveitarstjórnarráðherra setur nánari ákvæði um úthlutun framlags skv. 2. gr., skilyrði um námsframvindu nemenda og upplýsingaskyldu sveitarfélaga og tónlistarskóla í reglum sem samdar eru í samráði við Samband íslenskra sveitarfélaga. Þar skal áskilið að þeir nemendur í framhaldsnámi sem stuðnings njóta skv. samkomulagi þessu hafi lokið miðnámi að fullu í aðalgrein og aukánámsgreinum. Einnig er heimilt að skilgreina í reglunum í hvaða tilvikum og með hvaða skilyrðum er heimilt að greiða framlag vegna nemenda sem hafa lokið námi á framhaldsstigi.

Í reglunum skal kveðið á um skiptingu þess kennslumagns sem Jöfnunarsjóður sveitarfélaga hefur til ráðstöfunar á landsvísu. Við þá skiptingu er heimilt að leggja til grundvallar fyrirliggjandi upplýsingar

uz

1

24

hjá Jöfnunarsjóði um skiptingu kennslumagns milli sveitarfélaga á síðustu tveimur árum. Framlag til einstakra tónlistarskóla skal aldrei nema hærri fjárhæð en útlögðum kennslukostnaði og öðrum kostnaði skv. 1. mgr. 2. gr. en þó er heimilt að setja í reglur ákvæði um tímabundna afkomutryggingu til að bregðast við breyttum aðstæðum.

Í reglunum er jafnframt heimilt að kveða á um framlög til sveitarfélaga vegna nemenda í tónlistarnámi sem ekki falla undir 1. mgr. en þurfa af gildum ástæðum að sækja tónlistarskóla utan lögheimilissveitarfélags.

4. gr.

Réttindi nemenda

Á grundvelli samkomulags þessa tryggja sveitarfélög að nemendur sem uppfylla inntökuskilyrði tónlistarskóla og reglur um námsframvindu geti stundað tónlistarnám á framhaldsstigi í hljóðfæraleik og á mið- og framhaldsstigi í söng án tillits til búsetu. Samkomulag þetta hefur ekki áhrif á rétt tónlistarskóla til að krefja nemendur um skólagjöld skv. gildandi lögum.

5. gr.

Samráðsnefnd

Til að fylgjast með framkvæmd samkomulagsins tilnefna aðilar fulltrúa í 5 manna samráðsnefnd sem fundar að lágmarki árlega og oftast ef þörf krefur. Samráðsnefndin skal skipuð tveimur fulltrúum mennta- og menningarmálaráðuneytis, tveimur fulltrúum Sambands íslenskra sveitarfélaga og einum fulltrúa samgöngu- og sveitarstjórnarráðuneytis.

Á reglulegum fundum samráðsnefndarinnar leggur Jöfnunarsjóður sveitarfélaga fram upplýsingar um þróun nemendafjölda, kennslumagns og einingaverða og aðrar upplýsingar sem nauðsynlegar eru til að meta framkvæmd samkomulagsins og þar með talið framkvæmd einstakra verkefna sem kveðið er á um í viðauka. Samráðsnefndin tekur árlega formlega afstöðu til þeirra verkefna sem tilgreind eru í viðauka við samkomulag þetta og skiptingu fjár þeirra á milli. Ef um breytingar er að ræða þá skilar samráðsnefndin tillögugerð þar um til aðila samkomulags þessa til staðfestingar. Jafnframt fjallar samráðsnefndin um álitafni sem snúa að túlkun samkomulagsins og reglna sem settar eru á grundvelli þeirra. Samráðsnefndin skilar árlegri skilagrein til mennta- og menningarmálaráðuneytis um framkvæmd verkefnisins. Samráðsnefndin getur gert tillögur um viðbrögð við álitamálum sem upp geta komið vegna atvika sem ófyrirséð eru við gerð þessa samkomulags.

Aðilar geta óskað eftir því að samráðsnefndin komi saman þegar tilefni er til, svo sem ef upp koma aðstæður sem fjallað er um í 6. gr.

Nefndin setur sér nánari starfsreglur.


6. gr.

Lagabreytingar, forsendur og fyrirvari

Samkomulag þetta er gert skv. 1. mgr. 40. gr. laga um opinber fjármál, nr. 123/2015. Framlög ríkisins eru með fyrirvara um fjárheimildir til verkefnisins í málaflokki 20.20 í fjárlögum.

Verði gerð breyting á fjárheimildum til málaflokks 20.20 í fjárlögum geta aðilar tekið upp viðræður í samráðsnefnd um aðlögun verkefnisins að breyttri fjárveitingu. Jafnframt geta aðilar óskað eftir viðræðum um áhrif lagabreytinga og annarra breytinga á ytri aðstæðum sem haft geta áhrif á marknið og framkvæmd samkomulagsins.

Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á Samband íslenskra sveitarfélaga ekki kröfu á ríkissjóð eða rétt á bótum þótt framlag til sammingsins verði lækkað eða það fellt niður en veruleg breyting getur þó veitt rétt til uppsagnar samkomulagsins.

Handwritten signatures and initials at the bottom right of the page, including a large signature, the initials 'AT', and another signature.

Séu gerðar almennar aðhaldskröfur af hálfu ríkisins til málaflokks 20.20 er heimilt að gera sömu kröfur til aðhalds í rekstri verkefna sem falla undir samkomulag þetta.

Samkomulag þetta felur ekki í sér breytingar á verkaskiptingu ríkis og sveitarfélaga skv. lögum um fjárhagslegan stuðning við tónlistarskóla, nr. 75/1985. Fjárhagsleg ábyrgð ríkisins vegna verkefnisins takmarkast við þá fjárhæð sem fram kemur í samkomulagi þessu. Fjárstuðningur ríkisins skv. 2. gr. er óháður útgjöldum sveitarfélaga vegna reksturs tónlistarskóla og tekur ekki breytingum í samræmi við þau. Kjósi sveitarfélag að auka kennslumagn umfram úthlutun úr Jöfnunarsjóði sveitarfélaga ber það sjálft þann viðbótarkostnað sem af því leiðir.

7. gr.

Gildistími, greiðslur og endurskoðun

Gildistími samkomulagsins er frá 1. janúar 2019 til 31. desember 2021. Árlegt styrktarframlag er greitt til Jöfnunarsjóðs sveitarfélaga í tólf jöfnum hlutum fyrsta dag hvers mánaðar. Greitt er inn á bankareikning viðskiptabanka Jöfnunarsjóðs sveitarfélaga enda uppfyllir samningshafi öll skilyrði og kröfur sem samningur þessi kveður á um.

Ákveði aðilar að segja samkomulaginu upp skal tilkynning um uppsögn send með sannanlegum hætti fyrir 1. febrúar á því ári sem samkomulagið gengur úr gildi.


Viðræður um framlengingu samkomulagsins skulu hefjast eigi síðar en 1. nóvember 2020 og vera lokið eigi síðar en 1. apríl 2021. Hafi ekki náðst niðurstaða um nýtt samkomulag fyrir þann tíma framlengist samkomulagið sjálfkrafa um eitt ár enda hafi því ekki verið sagt upp skv. 2. mgr. þessarar greinar.

Reykjavík, 3. desember 2018.


F.h. Sambands íslenskra sveitarfélaga


Formaður


Framkvæmdastjóri




Mennta- og menningarmálaráðherra



Samgöngu- og sveitarstjórnarráðherra



Fjármála- og efnahagsráðherra



MZ
3
WDA

**Viðauki við samkomulag um stuðning við tónlistarnám og
jöfnun á aðstöðumun nemenda til tónlistarnáms.**

Tímabundin tilfærsla verkefna til sveitarfélaga frá ríki.

Sveitarfélög skuldbinda sig til, á grundvelli samkomulags um stuðning við tónlistarnám og jöfnun á aðstöðumun nemenda til tónlistarnáms, að taka tímabundið við verkefnum frá ríki á gildistíma samkomulagsins að fjárhæð 230 m.kr. auk verðlagsuppfærslu frá og með 2018/2019, samanber ákv. 2. greinar samkomulagsins.

Á árinu 2018 er um að ræða eftirtalin verkefni;

a.	Endurmenntunarsjóður grunnskóla	49,1
b.	Námsgagnasjóður	59,8
c.	Reykjadalur	32,3
d.	Vistheimilið Bjarg	78,5
e.	Tölvumiðstöð fatlaðra	10,3
	Samtals	230,0 m.kr.

Gert er ráð fyrir að útgjöld til verkefna samkvæmt þessari grein skiptist jafnt milli sveitarfélaga í hlutfalli við íbúafjölda og að Jöfnunarsjóði sveitarfélaga verði falið að standa skil á greiðslum sveitarfélaga með því að draga kostnað hvers sveitarfélags frá framlögum sjóðsins.

Á samningstímanum geta orðið breytingar og tilfærslur innan þess ramma sem greinin kveður á um á grundvelli tillögugerðar samráðsnefndar sem getið er í 5. grein samkomulagsins og að fenginni staðfestingu aðila samkomulagsins.

Handwritten signatures and initials:
M. M. (signature)
L. H. (signature)
A. H. (signature)
L. H. (signature)
A. H. (signature)

REGLUR

um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda.

1. gr.

Gildissvið og markmið.

Reglur þessar gilda um úthlutun Jöfnunarsjóðs sveitarfélaga á styrktarframlagi úr ríkissjóði til sveitarfélaga vegna kennslukostnaðar í tónlistarskólum, sbr. samkomulag ríkis og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda til tónlistarnáms.

Framlagi ríkisins er ætlað að gera nemendum kleift að stunda tónlistarnám óháð búsetu og efnahag. Framlagið skal renna til greiðslu kennslukostnaðar nemenda í framhaldsnámi í hljóðfæraleyk og söng ásamt miðnámi í söng og, að uppfylltum skilyrðum, nemenda sem hafa lokið námi á framhaldsstigi.

Með framlagi ríkisins er Jöfnunarsjóði jafnframt heimilt að veita framlag vegna kennslukostnaðar annarra nemenda sem þurfa af gildum ástæðum að sækja tónlistarskóla utan lögheimilissveitarfélags, sbr. 7. gr. Skilyrði er að um sé að ræða tónlistarnám í viðurkenndum tónlistarskóla, þ.e. skóla sem kennir samkvæmt aðalnámskrá tónlistarskóla og nýtur viðurkenningar mennta- og menningarmálaráðuneytisins.

Reglurnar gilda ekki um tónlistarnám sem kennt er í listframhaldsskólum.

2. gr.

Framlag úr ríkissjóði.

Eins og fram kemur í samkomulaginu frá 13. apríl 2016 er árlegt styrktarframlag ríkissjóðs í Jöfnunarsjóð 520 m. kr. á árunum 2016 til 2018. Framlagið greiðist með jöfnum mánaðarlegum greiðslum. Um forsendur framlagsins og verðlagsbreytingar á tímabilinu vísast til 2. gr. samkomulagsins.

Ráðherra setur nánari vinnureglur um úthlutun framlaga að fenginni umsögn Sambands íslenskra sveitarfélaga. Vinnureglurnar eru birtar sem viðauki við þessar reglur.

3. gr.

Upplýsingar frá tónlistarskólum – Umsóknir sveitarfélaga

Eigi síðar en 1. mars ár hvert skulu tónlistarskólar senda því sveitarfélagi, þar sem skóli starfar, skrá um alla nemendur sem stunda eða hafa stundað tónlistarnám á yfirstandandi skólaári sem fellur undir 2. mgr. 1. gr. Upplýsingum skal skilað á eyðublaði sem Jöfnunarsjóður sveitarfélaga lætur í té og nálgast má á vefsíðu Jöfnunarsjóðs: jofnunarsjodur.is.

Við skil upplýsinga til sveitarfélaga skal taka mið af eftirfarandi:

- a. Til að hægt sé að sækja um framlag vegna náms á miðstigi í söng þarf nemandi að hafa lokið að fullu námi í söng á grunnstigi. Framlög vegna náms á miðstigi eru að hámarki greidd í fjögur ár.
- b. Til að hægt sé að sækja um framlag vegna náms á framhaldsstigi í söng eða hljóðfæragreinum þarf nemandi að hafa lokið að fullu námi á miðstigi. Framlög vegna náms á framhaldsstigi eru að hámarki greidd í fimm ár.
- c. Til að hægt sé að sækja um framlag vegna viðbótarnáms að loknu framhaldsstigi (4. hæfniprep í söng eða hljóðfæranámi) þarf nemandi að hafa lokið að fullu námi á framhaldsstigi. Framlög vegna náms að loknu framhaldsstigi eru að hámarki greidd í tvö ár.

Sveitarfélögum ber að yfirfara upplýsingar frá tónlistarskólum um kennslumagn á yfirstandandi skólaári, skv. 1. málsgrein og senda til Jöfnunarsjóðs sveitarfélaga fyrir 15. mars ár hvert. Þær upplýsingar eru ígildi umsókna sveitarfélaga um framlög fyrir næsta skólaár. sbr. þó 1. mgr. 5. gr. Við útreikning og úthlutun framlaga, sbr. 2. mgr. 1. gr, er Jöfnunarsjóði heimilt, á grundvelli upplýsinga í umsókn sveitarfélagsins, að bregðast við verulegri fækkun nemenda einstakra tónlistarskóla á yfirstandandi skólaári þannig að skerðing á framlagi komi ekki að fullu til framkvæmda á næsta skólaári.

4. gr.

Framlög úr Jöfnunarsjóði sveitarfélaga.

Þegar upplýsingar liggja fyrir úr umsóknum sveitarfélaga um kennslumagn á yfirstandandi skólaári, sbr. 3. gr., birtir Jöfnunarsjóður sveitarfélaga upplýsingar um skiptingu framlaga (kennslumagns) milli sveitarfélaga vegna kennslu nemenda í framhaldsnámi í hljóðfæraleik og söng ásamt miðnámi í söng, skv. 2. mgr. 1. gr. að teknu tilliti til þess fjármagns sem er til úthlutunar hverju sinni, sbr. 2. gr. Við útreikning á kennslumagni eru raunverulegar kennslumínútur (stundir) umreiknaðar yfir í einingar út frá stuðlum í kjarasamningi tónlistarkennara.

Upplýsingar um framlög fyrir komandi skólaár skulu liggja fyrir eigi síðar en 1. apríl, sbr. þó ákvæði til bráðabirgða.

Um mánaðarlegar greiðslur framlaga verður að ræða yfir skólaárið, þ.e. á tímabilinu september til ágúst. Greiðsla skal berast til sveitarfélags eigi síðar en síðasta dag hvers mánaðar.

5. gr.

Breyttar forsendur og veruleg frávik

Sveitarfélagi ber að gæta þess að framlag til einstakra tónlistarskóla nemi ekki hærri fjárhæð en heimilt er samkvæmt þessum reglum. Sveitarfélagi er þó heimilt að veita tónlistarskóla tímabundna afkomutryggingu til að bregðast við breyttum aðstæðum, sbr. 3. mgr. 3. gr. þessara reglna.

Sveitarfélagi ber að tilkynna Jöfnunarsjóði sveitarfélaga ef forsendur fyrir úthlutun framlaga breytast, svo sem ef tónlistarskóli hættir starfsemi.

Komi í ljós verulegar breytingar á kennslumagni milli skólaára, við yfirferð upplýsinga frá sveitarfélögum, sbr. 2. mgr. 3. gr., er jöfnunarsjóði heimilt að leita skýringa hjá sveitarfélögum þar að lútandi.

Ef framlög til sveitarfélags hafa verið greidd á grundvelli rangra upplýsinga skal gerð leiðrétting áður en kemur til lokagreiðslu framlags fyrir viðkomandi skólaár, en ef því verður ekki við komið, getur sjóðurinn dregið mismuninn af öðrum framlögum sjóðsins.

6. gr.

Langtímaforföll.

Sveitarfélagi er heimilt að sækja sérstaklega um aukaframlag til Jöfnunarsjóðs vegna langtímaforfalla kennara á miðstigi í söng og á framhaldsstigi eða ofar í söng og hljóðfæragreinum, sem standa lengur en einn mánuð enda liggja fyrir læknisvottorð. Heildarframlag verður þó aldrei hærra en sem nemur raunverulegum viðbótarlaunakostnaði skólans vegna langtímaforfalla á því tímabili sem um ræðir.

Umsókn frá sveitarfélagi um framlag samkvæmt þessari grein skal berast til Jöfnunarsjóðs sveitarfélaga fyrir 20. júní ár hvert vegna skólaársins sem er að líða. Jöfnunarsjóði ber að hafa lokið útreikningi og úthlutun framlaga, skv. þessari grein fyrir 1. júlí ár hvert.

7. gr.

Framlög vegna nemenda á grunnstigi og nemenda á miðstigi í hljóðfæragreinum.

Jöfnunarsjóði sveitarfélaga er heimilt að veita sveitarfélögum framlög vegna nemenda sem þurfa af gildum ástæðum að sækja tónlistarskóla utan síns sveitarfélags sbr. 3. mgr. 1. gr. Skilyrði er að fyrir liggja staðfesting um að námið verði metið til eininga í framhaldsskóla. Umsóknir samkvæmt þessari grein skulu berast til jöfnunarsjóðs eigi síðar en 1. september vegna komandi skólaárs.

Úthlutun framlaga samkvæmt þessari grein takmarkast af því hve mikið fjármagn Jöfnunarsjóður hefur til ráðstöfunar að teknu tilliti til framlaga skv. 4. og 6. gr. Við ákvörðun framlaga skal umsóknum forgangsraðað í eftirfarandi röð:

1. Nemendur á miðstigi í hljóðfæragreinum.
2. Nemendur á grunnstigi í söng eða hljóðfæragreinum, þ.e. nemendur sem hafa verið í tónlistarnámi á grunnstigi í eitt skólaár eða lengur.
3. Nemendur sem eru að hefja nám á grunnstigi í söng.

Falli tónlistarnám nemenda undir þessa grein ber tónlistarskóla að senda lögheimilissveitarfélagi skrá um þá nemendur, sbr. ákvæði í 3. mgr. 1, gr,

Úthlutuð framlög vegna samþykktra umsókna samkvæmt þessari grein skulu að hámarki nema 50% af vegnu meðaltali framlags á nemanda, sbr. 2. mgr. 1. gr. Framlöggin geta lækkað ef eftirspurn er umfram það fjármagn sem er til ráðstöfunar skv. 2. mgr. Sveitarfélag sem sækir um framlag greiðir þann hluta kennslukostnaðar sem út af stendur. Tónlistarskólar skulu gæta þess

að samþykki lögheimilissveitarfélags liggi fyrir vegna nemenda sem uppfylla skilyrði skv. 1. og 2. mgr., áður en þeir eru innritaðir í tónlistarnám.

Um umsóknir, greiðslu framlaga og leiðréttingu áætlaðra framlaga fer skv. 3.- 5. gr. eftir því sem við á. Jöfnunarsjóður skal senda lögheimilissveitarfélögum tilkynningu um áætluð framlög fyrir næsta skólaár samkvæmt þessari grein fyrir 1. október ár hvert.

8. gr.

Gildistaka.

Reglur þessar eru settar á grundvelli samkomulags ríkisins og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda og laga um fjárhagslegan stuðning við tónlistarskóla, nr. 75/1985. Reglurnar öðlast þegar gildi og koma í stað reglugerðar nr. 23/2013, sem felld verður úr gildi.


Ákvæði til bráðabirgða.

Þrátt fyrir ákvæði 3. og 4. gr. gildir eftirfarandi um framlög fyrir skólaárið 2016-2017:

- a. Við skiptingu kennslumagns og úthlutun framlaga samkvæmt 4. gr. þessara reglna liggja til grundvallar upplýsingar frá tónlistarskólum um nemendur og kennslumagn skólaárið 2015–2016, yfirfamar af viðkomandi sveitarfélagi, á eyðublaði sem Jöfnunarsjóður sveitarfélaga lætur í té. Skoðast þessar upplýsingar sem ígildi umsókna sveitarfélaga um framlag og skulu þær liggja til grundvallar við skiptingu kennslumagns fyrir næsta skólaár. Við endanlega skiptingu kennslumagns er horft til þess hvort samdráttur hafi orðið í kennslumagni tónlistarskóla frá vori 2014 til vors 2016 og bætt við kennslumagni sem nemur 70 hundraðshlutum af neikvæðum mismun undanfarinna tveggja ára.
- b. Upplýsingar frá Jöfnunarsjóði sveitarfélaga um framlög á skólaárinu 2016 - 2017 skulu sendar til sveitarfélaga eigi síðar en 1. september 2016.

Innanríkisráðuneytinu, 31. ágúst 2016.

Regulindur Hjartarson



Vinnureglur

Úthlutun framlaga á grundvelli 2. mgr. 1. gr., sbr. 4. gr. reglna um framlög úr Jöfnunarsjóði sveitarfélaga til eflingar tónlistarnámi og jöfnunar á aðstöðumun nemenda

Tónlistarskólar sem njóta viðurkenningar mennta- og menningarmálaráðuneytisins og veita nemendum kennslu sem fellur undir samkomulagið fylla út sérstakt skjal í töflureikni sem nálgast má á vefsíðu Jöfnunarsjóðs sveitarfélaga. Í skjalinu er óskað eftir eftirfarandi upplýsingum

- Upplýsingum um nemendur sem falla undir samkomulagið.
- Upplýsingum um fjölda nemenda og kennslustunda sem falla ekki undir samkomulagið. Upplýsinganna er aflað vegna aðferðafræði við útreikning framlaga.
- Upplýsingum um allar aðrar kennslustundir, svo sem í tónfræði og samspili/samsöng.

Skjalið er síðan sent til kennslusveitarfélags eigi síðar en 1. mars. Kennslusveitarfélagið sendir síðan skjöl fyrir alla viðurkennda tónlistarskóla í sveitarfélaginu til Jöfnunarsjóðs sveitarfélaga fyrir 15. mars. Á grundvelli þeirra upplýsinga sem fram koma í innsendum skjölum kennslusveitarfélags er fundinn út heildarfjöldi kennslueininga (sjá skilgreiningu hér á eftir) fyrir hvert sveitarfélag á grundvelli samkomulagsins. Hvert sveitarfélag fær síðan fjárframlag hlutfallslega miðað við heildarfjölda kennslueininga allra sveitarfélaga vegna þess náms sem fellur undir samkomulagið að teknu tilliti til ráðstöfunarfjármagns Jöfnunarsjóðs. Sveitarfélögum er einnig tilkynnt, samhliða tilkynningu um framlag, hvaða lágmarksfjölda kennslustunda tónlistarskólum sveitarfélagsins ber að kenna. Fjöldi stunda er reiknaður út miðað við uppgefinn kostnað á kennslustund.

Útreikningsreglur

Við útreikning á heildarfjölda kennslueininga tónlistarskóla eru raunverulegar kennslumínútur (stundir) umreiknaðar yfir í einingar út frá stuðlum í kjarasamningi tónlistarkennara. Þessar umreiknuðu einingar eru grundvöllur að stöðuhlutfalli tónlistarkennara og endurspegla því hvernig kennslukostnaður er fundinn.

Aðferð við útreikninginn er sú að heildarkennslustundum og stundum í meðleik er breytt yfir í kennslustundir á grunnstigi. Þessar umreiknuðu kennslustundir kallast kennslueiningar. Þetta er gert með stuðlum reiknuðum skv. töflu 1 er sýnir mismunandi kennslueiningar eftir námsstigum fyrir hverja kennda klukkustund. Sem dæmi jafngildir ein kennslustund á miðstigi 1,0926 kennslueiningum og ein kennslustund í meðleik á miðstigi jafngildir 1,2371 kennslueiningum.

Tafla 1 - Kennslueiningar fyrir hverja kennslustund/meðleik á hverju námsstigi

	Kennsla ¹⁾	Meðleikur
Fornám/Grunnstig	1,0000	1,0926
Miðstig	1,0926	1,2371
Framhaldsstig	1,2371	1,4229
Nám að loknu framhaldsst.	1,2371	1,4229

1) Einkakennsla, samkennsla, samspil, samsöngur og önnur kennsla.

Þannig er fundinn út heildarfjöldi kennslueininga (umreiknað kennslumagn) á ári, fyrir hvert sveitarfélag, sem fellur undir samkomulagið.

Námsstigin sem falla undir samkomulagið eru:

- Hljóðfæranám á framhaldsstigi
- Söngnám á miðstigi
- Söngnám á framhaldsstigi

Við kennslueiningar í aðalnámsgreinum (hljóðfæranám/söngnám) er síðan bætt hlutdeild þessara námsstiga í aukánámsgreinum í sömu hlutföllum.

Summa kennslueininga vegna þessara námsstiga hvers skóla er auðkennd “ T_{Samk} .” Summa allra skóla sama sveitarfélags er auðkennd “ S_{Samk} .” Summa allra sveitarfélaga sem falla undir samkomulagið er auðkennt “ H_{Samk} .”

$$S_{Samk} = \sum T_{Samk} (i); i = \text{númer skóla innan sveitarfélags}$$

$$H_{Samk} = \sum S_{Samk} (j); j = \text{númer sveitarfélags}$$

$$F_{Samk} = \text{Fjármagn til ráðstöfunar vegna samkomulagsins}$$

$$F_{Svfe} = \text{Fjármagn til sveitarfélags}$$

Hvert sveitarfélag fær síðan fjárframlag hlutfallslega miðað við heildarfjölda kennslueininga allra sveitarfélaga vegna þess náms sem fellur undir samkomulagið skv. eftirfarandi:

$$F_{Svfe} = S_{Samk}/H_{Samk} \times F_{Samk}$$